

## Band IX., Nr. 3451, Seite 27-28

*Graf Heinrich von Veldenz, Herr zu Geroldseck, und seine Söhne Walther und Hermann freien die Stadt Sulz nach dem Rechte von Freiburg im Breisgau.*

Sulz, 1285. Juni 10.

Wir Heinrich der grave von Veldenze und herre ze Gerolzege unde Walther unde Herman sine sune unde unser erben tûn kunt allen den, die disen brief sehent alder hõrent lesen, das wir Sulze unser stat unde den umbecreis, also der kalcoven stat ze deme ginanden steine an Holzhuser staige undenan unde also der wasserval gat an Veringer staige, ze deme brunnelin, ze der alten múli, oberhalb des smides garten an wisenstaige an deme obern ende, an winterstaige ze deme wasservalle, da die staiga schaident ze Bernhartes boume bi deme Neker, vri haben gelassen unde gemacht in alleme deme rehte, also Vriburc dú stat, lit in Brisgõwe. Wir die burger von Sulze jehen des, das wir deme vor genanten herren und sinen erben iedes jares drisec phunt Tuwinger dienen sun unde also, obe sich dú stat bessert, das sich des vor genanten herren dinc bessern sol. Herúber so jehen wir, die vor genanten burger, swer zû uns zúhet in dise stat, das der vri sol sin von deme tage so er zúhet her uber vier jar. Wir der vor genante herre han unser ingesigele an disen brief gehenket ze eime urkunde der warheit. Wir Walther unde Herman, wan wir nût eigens ingesigeles haben, so benúget uns des vor genanten herren unsers vateres ingesigele an disen brieve.

Dirre brief wart gegeben, do man zalte von gotes geburte tusent jar zwai hunder[t] jar unde ahzic jar, in deme funften jare, an deme sunnetage ze Sulze vierzehen naht vor sunegihten.

—

Nach dem Original

Siegel abgegangen.

Unter dem Text noch Raum für etwa 1<sup>1</sup>/<sub>2</sub> Zeilen.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

A 601 U 76

## Weitere Angaben

**Sprache:**

Deutsch

**Ausstellungsort:**

Sulz

**Ortsindex:**

Altstadt Wohnplatz (7705)

Altstadt, Freiburg im Breisgau, FR

Geroldseck : Seelbach OG

Geroldseck Wohnplatz (11850)

Sulz am Neckar Wohnplatz (12745)

Sulz am Neckar, RW

Veldenz (Schloß), Veldenz, WIL